

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU CENTAR ZA DJECU I ODRASLE OSOBE S POSEBNIM POTREBAMA**

Broj: 07/2-14-9-6-1-5/19
Zenica, 25.02.2019. godine

Na osnovu člana 64. stav 1. tačka b. (kriterij za dodjelu ugovora je najniža cijena), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: 07/2-14-9-6-1-4/19 od 22.02.2019. godine, u postupku javne nabavke usluga kolektivnog osiguranja zaposlenika i korisnika od posljedica nesretnog slučaja (LOT 1), v.d. direktor Javne ustanove „Centar za djecu i odrasle osobe s posebnim potrebama“ Zeničko-dobojskog kantona je donio

**ODLUKU
o izboru najpovoljnijeg ponuđača**

Član 1.

Prihvata se Izvještaj i Preporuka Komisije za javnu nabavku broj: 07/2-14-9-6-1-4/19 od 22.02.2019. godine. Okvirni sporazum za javnu nabavku usluga Kolektivnog osiguranja zaposlenika i korisnika od posljedica nesretnog slučaja (LOT 1) za potrebe Javne ustanove Centar za djecu i odrasle osobe s posebnim potrebama Zeničko-dobojskog kantona, sa sjedištem u Zenici u ul. Saliha Cakana Mulalića broj 5, dodjeljuje se ponuđaču **Sarajevo osiguranje d.d.**, sa ponuđenom cijenom **2.607,00 KM** bez PDV-a.

Član 2.

Prijedlog okvirnog sporazuma o nabavci dostavit će se na potpis izabranom ponuđaču Sarajevo osiguranje d.d. po protoku roka od 15 dana, računajući od dana kada su svi ponuđači obaviješteni o izboru najpovoljnije ponude (član 72. tačka 1. Zakona o javnim nabavkama). Izabrani ponuđač je dužan dostaviti dokaze o kvalificiranosti u roku od **5 dana** nakon što bude obavješten od strane Ugovornog organa o rezultatima postupka nabavke, a u skladu sa tačkom 2.1.1. Tenderske dokumentacije. Ukoliko je ponuđač uz ponudu dostavio i tražene dokaze zahtijevane tačkom 2.1. tenderske dokumentacije, oslobađa se obaveze naknadnog dostavljanja dokaza.

Član 3.

Za izvršenje ove odluke zadužuje se i ovlašćuje ekonomista.

Član 4.

Ova odluka objavit će se na web-stranici Javne ustanove „Centar za djecu i odrasle osobe s posebnim potrebama“ Zeničko-dobojskog kantona www.zastitinas.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je shodno Planu javnih nabavki za 2019. godinu broj 07/2-14-9-5-1/19. Nabavka je odobrena Odlukom o pokretanju postupka nabavke br. 05-3-4/19.

Javna nabavka je sprovedena konkurentskim zahtjevom, uz predviđeno sklapanje okvirnog sporazuma sa jednim dobavljačem za svaki lot.

Procijenjena vrijednost javne nabavke bez PDV-a je 11.500,00 KM bez PDV-a, od toga za LOT 1 je predviđeno 3.000,00 KM.

Obavještenje o nabavci broj: 7098-7-2-6-3-1/19 poslato je na objavljivanje dana 29.01.2019. godine, a objavljeno je na Portalu javnih nabavki dana 29.01.2019. godine.

Komisija za javnu nabavku imenovana je Rješenjem broj 01-49-208-1/19 od 12.02.2019. godine. Komisija za javnu nabavku dostavila je dana 22.02.2019. godine Izvještaj o provedenom postupku javne nabavke broj 07/2-14-9-6-1-4/19 od 22.02.2019. godine sa preporukom o izboru najpovoljnijeg ponuđača.

U postupku provođenja javne nabavke je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće Zapisnike i Izvještaje sa detaljnim obrazloženjima, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljene 2 (dvije) ponude;
- da nije bilo neblagovremeno zaprimljenih ponuda;
- da su bile prihvatljive 2 (dvije) ponude.

Na osnovu Pravilnika o uslovima i načinu korištenja e-aukcije („Sl. glasnik BiH“ br. 66/17), u predmetnom postupku zakazana je u provedena e-aukcija dana 22.02.2019. godine u 12:05 sati na Portalu javnih nabavki. Ponuđači su tokom e-aukcije podnosili ponude, te je konačna rang lista kako slijedi:

RB	Naziv ponuđača	Konačna cijena u KM bez PDV	Rang
1.	Sarajevo osiguranje d.d.	2.607,00	1
2.	Adriatic osiguranje d.d.	2.610,00	2

Na osnovu Izvještaja o toku i završetku e-aukcije, a u skladu sa kriterijem najniže cijene, Komisija je dala preporuku za donošenje Odluke o izboru najpovoljnijeg ponuđača i dodjeli okvirnog sporazuma za nabavku usluga kolektivnog osiguranja zaposlenika i korisnika od posljedica nesretnog slučaja ponuđaču Sarajevo osiguranje d.d. po cijeni ponude bez PDV-a u iznosu od 2.607,00 KM.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, v.d. direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

D. Direktor

Meldina Ugarak



Dostaviti:

- 1 x Učesnicima u javnoj nabavci
- 1 x a/a